

10 de Diciembre 1948 na'a hua'ano'sa' niyontonpi. Nisha nisha Copirno'sari a'parin ninontacaiso marë'. Ya'ipi piyapi'sa' noya ya huëina', ta'caiso marë' ninontopi. Ninontohuachinara, iso quirica ninshitopi. –Nisha nisha nananquë ninshitoco'. Ya'ipi parti a'paco' ya'ipi piyapi nitotacaiso marë' topi. Piyapi niyontompachina, sha 'huichina'. Escuelarn'saquë a 'chinchina', topi.

COPIRNORO' SA' NAPORINSOPITA YA' IPI PIYAPI NOYA YA' HUËCAISO MARË'

SHA' HUICHINQUËMA'

Ya'ipi piyapi'sa' noya ya huëina'. Ama incari tëranta' topinan quëran ana'inchinasohuë'. Ina quëran ya'ipi parti noya nini'têhua' ya'huërêhua huachi.

A 'naquën piyapi 'sa' co nosorohuachinahué', chiniquen aparësitopi. A'na tahuëri tēpapi. Inaso' pa'pi co noyahué' tēnhua'. Nonpiso marë', yonquipiso marë' Co ana'intacaso' ya'huërinhuë'. Naporahuaton, ya'ipi piyapi ma'sha ya'huëchina' Co nohuantêrêhuahuë' a nayanquënpoaatëranta' pahuantinpoaso.

Ya'ipi Copirnoros' sa' noya hua'anëntinpoaso' ya 'huërin. Ama topinan quëran ana'inchinpoasohuë'. Topinan quëran aparësitohuachinpoara, a'naquën chiniquën no' huihuachina yaahuëtopi. Ina quëran a'na copirno acopi huachi.

Ya'ipi Copirnoros' sa' noya nini'tona' ya'huëina'. Ama nino' huiatonahuë', ama quira niinasohuë', tēnhua'. Ya'nan niyontonêhuaso' ninshitêrêhua'. –Ya'ipi piyapi 'sa' noya ya'huëina', tēnhua'. Quëmapi'sa', sanapiro'santa' napopianachin Copirnoros' sari noya niina'. Ya'ipi piyapi'sa' catahua'hua' noya noya ya'huëcaiso marë', tēnhua'.

Ya'ipinpoa' nani chinotêrêhua' piyapi'sa' catahuahuaso'. Ya'ipinpoa' noya nini 'têhua', ya'huëa'hua', ta'têhua', nanan a'pa'hua' piyapi'sa' noya ya'huëcaiso marë'.

Napoaton iso quirica ninshitêrêhua' ya'ipi piyapi'sa' nitotacaiso marë'.

HUA'ANO' SACOI NIYONTONPATOIRA

sha'huitërai

YA' IPI PIYAPI'SA' NOYA YA' HUËINA' TËNËHUA'. Ya'ipi opirnoros' sa' inapochachi yonquiina'. Ya'ipi escuelaro'saquë a 'chinchina'. Mashoro'santa' anitotacaiso' ya'huërin. Ina quëran ya'ipinpoa' nitotohuatêhua', nicatahua'hua' noya noya nini'têhua' ya'huëcaiso marë

1.

Ya'ipi piyapinpoa' capini noya ninosorocaso' ya'huërin. Ya'ipinpoa' yonquirêhua'. Noya nicacaso' nitotêrêhua'. Napoaton iyanpoa pochin ninosorocaso' ya 'huërin.

2.

Ya'ipi piyapi napopianachin noya nini'a'hua'. Nisha nisha nirihuarahuënta' ninosorocaso' ya'huërin. Nisha nisha nananquë nonêhua'. Nisha nisha imarêhua'. A 'naquënpoa' yaraton, a 'naquënpoa' huiriton, a 'naquënpoa' quëmapinpoa', a'naquënpoa' sanapinpoa'. A 'naquënpoa' ma'huano 'sanpoa', a 'naquënpoa' Co na 'a ma'sha ya'huëtêrinpoahuë'.

Nisha nisha nirihuarahuënta' ninosorocaso' ya'huërin. Nisha nisha hua'anëntêrinquë ya'huëpirêhuahuë', napopianachin nini'têhua', ya'huëa'hua'.

3.

Co topinan quëran tēpacaso' ya'huërinhuë'. Co topinan quëran tashinan pëiquë po 'mocasos' ya'huërinhuë'.

4.

Co piyapinpoa' nipa'anacaso' ya'huërinhuë'. Co topinan quëran asacatacaso ya'huërinhuë'. Piyapi inaora nohuanton sacachina'. Co sacatacaiso' nohuantohuachinahué', ama sacachinasohuë'.

5.

Ama topinan quëran ana 'inchinsohuë'. Ama topinan quëran chiniquën aparësichinsohuë'.

6.

Ya'ipi copirnoros' sa' no'tëquën sha'huitacaso' ya'huërin. Nisha nisha piyapi nipirinhué' napopianachin ninosorocaso' ya'huërin, tēnhua'.

7.

Copirnoros' sa' no'tëquën hua'anëchina'. Ya'ipi piyapi napopianachin noya ni 'ina'. Napopianachin a'paiina'. Ama topinan quëran ana'inchinsohuë'.

8.

A 'napitari topinan quëran aparësitohuachinpoa', coisëquë sha'huitacaso' ya'huërin. No'tëquën ana 'inchin.

9.

Co topinan quëran tashinan pëiquë po'mocasos ya'huërinhuë'. Co topinan quëran a'na parti a'pacaso ya'huërinhue.

10.

A'napita sha'huirapihuachinpoa', Co topinan quëran ana'intacaso' ya'huërinhuë'. Coisë noya natanchin. Ina quëran no'tëquën sha'huichin. Ya'ipinpoa' napopianachin nicaatonpoa', no 'tëquën sha 'huitinpoaso' ya'huërin.

11.

A'na piyapi sha'huirapihuachinpoa', Co a'naroachin ana 'intinpoaso' ya'huërinhuë'. Co nimara naporinhué', ta'ton, coisë noya natainpoa'. Ina quëran oshaquëran yonquiina'. Têhuëenchachi nitotaquë huarë' ana'intacaso' ya'huërin. Co tēhuëenchachi nitotohuachinhué', ama ana'inchinsohuë'.

Copirno nani pēnēnpachinpoa', no'tëquën ana 'intērinpoa'. Co pēnēnpachinpoahuë', Co ana 'intinpoaso' ya 'huërinhuë'. Nasha pēnēnpachinpoa', natēcaso' ya'huërin. Iraca Co pēnēnpachinpoarahué', Co natēpatêhuahuë', Co ina arë' ana 'intinpoaso' ya 'huërinhuë'. Nani sha 'huitohuachinpoa', Co aquëtë ana'intinpoaso' ya'huërinhuë'.

12.

Co ma'shanēnpoa' niihuacasos' ya'huërinhuë'. Co ninshitêrêhuaso' nisë 'huatacasos' ya'huërinhuë'. Co pinoinpoaso' ya 'huërinhuë'. Inapo'tohuachinpoa', coisëri ana'inchin.

13.

Ya'huërêhua quëran insëquësona yapa patëra, noya paacasos' ya'huërin.

A'na hua'an quëran yapipihuatëra, noya pipicasos'. Ya'huërêhuaso parti yahuënantohuatëra, noya huëantacaso.

14.

Copirno topinan quëran no' huihuachinpoa', yata'ahuatêhua', noya ta'acaso' ya'huërin a'na parti ya'huëcasomarë'.

Nipirinhué' Co noyahué' nipatêhua', no'tëquën ana 'intacaso' ya 'huërin, Co ta 'acaso' ya 'huërinhuë'.

15.

Ya'ipinpoa' nisha nisha Copirno ya'huëtêrinpoa'. Ina catahuainpoaso' ya'huërin.

Co topinan quëran a'painpoaso' ya'huërinhuë'. Nipirinhué' a'na hua'anquë yaya'conpachina, tananpichin pa'in.

16.

Quëmapi mashotohuachina, noya sa'acaso'. Nisha sanapi yamapachina inanta' noya tēnhua'. Nisha religion imarinso' mapachina, Co ina marë' copirnoros' nanitêrinhuë' ana'intacaso'. sanapinta' payatohuachina, noya so'yacasos'. Nisha piyapi niponahuë', noya macacasos'. Quëmapi'sa', sanapi'santa' ma'sona nohuantohuachina, napoina.

Sanapi Co nohuantohuachinhuē', Co so'yatacaso' ya huērinhuē'. Quēmapinta' Co nohuantohuachinhuē', Co ma'caso' ya'huērinhuē'.

A'na quēmapi, sa'in, hui'ninpitarēchachi a'na huēntonaca' ninin. Noya ya'huēina'. Noya ya'huēcaso' Copirnorí catahuain.

17.

No'pa', ma'sha, inapita hua'anēntacaso ya'huērin. A'naquen inaora no'pa' hua'anēntērin. A'nanta' ya'ipi huēnton no panēn hua'anēntopi. Cato chachí noya.

No'panēn hua'anēntohuachina', Co incaritēranta nanitēnnhuē' ocoicaso.

18.

Yonquirēhuaso marē' Co Copirno no'huinpoaso ya'huērinhuē'. Religion imarēhuaso marēnta' Co Copirno no'huinpoaso' ya'huērinhuē'. Nisha yaimapatēhua,, Co ina marē' aparēsítinpoaso' ya'huērinhuē'. Yosē chinotacaso marē' niyontonpatēhua', Co ina marē' Copirno ana'intinpoaso' ya'huērinhuē'.

19.

Ma'sona tēranta' yonquihuatēhua', a'napita yaa'chintohuatēhua', Co ina marē' Copirno ana'intinpoaso' ya'huērinhuē'. Nanan a'parēso marēnta' noya, quiricaquēhuē nipon, natioquēhuē nipon, noya a'parē', natanē'. Ya'ipi parti inapotērē' noya natanacaiso marē'.

20.

Piyapi yaniyontonpachina, niyontoina'. Noya niyontonacaiso' nipirinhue' Co niahuēcaiso marēhuē' niyontoina'.

– Quiya pochin natēco' ana'intochinquēma', itohuachinpoa', Co nohuantohuatēhuahuē', Co imacaso ya'huērinhue.

21.

Ya'ipi piyapi hua'ano'sa' huayonacaso' ya'huērin. Nisha nisha ninano quēran huayonin. Inapita hua'anēntērinpoa'.

Ya'ipi piyapi nanitērin ma'sha pa'anacaso'. Pahuērētōhuachina, ya'ipi piyapi nanitērin ma'shaquē pacacaso. Camionquē, avionquē, nanchaquē, inapitaquē nanitopi pacacaiso'. Napopianachin Copirno sirihuirinpoa'.

Ya'ipi piyapi Copirno huayoina'. Hua'ano'santa huayoina'. Catapini pi'ipi catapiní pi ipi quēran pochin huayoina'. Ya'ipi piyapi inahuara ninshitapi huayonacaiso mare.

22.

Piyapi sacatohuachina, no'tēquēn pahuērētacaso' ya'huērin. Co sacatacaso' nanitohuachinhuē', pi'pian pi'pian catahuacaso' ya'huērin. Copirno nanitohuachina, coriquí, ma'sha inapita quētacaso' ya'huērin. Co insonta' pahuantacaso' nohuantērēhuahuē'.

23.

Piyapi yasacatohuachina, sacachina'. Ma sacatosona yanipachina, inaquē sacachina'. Asacatērinsoyita piyapinēnpita nosoroína'. Ama chini chin iquēn asacachinsohuē'. Sacato ya'huēhuachina, asacachina.

No'tēquēn pahuērētacaso' ya'huērin. Inachachi sacatohuachina, inachachi pahuērētērē'. Nisha nisha piyapi nipirinhue', inachachi pahuērēcaso' ya'huērin.

No'tēquēn pahuērētacaso' ya'huērin. Noya nānpicaíso marē' pahuērēchina'. Pahuantohuachina, a'napita catahuacaso' ya'huērin.

Co noyahue' pahuērēhuachina', sacatoro sa' nanitērin niyontonacaiso . Ninontohuachina', a'na' acorin hua'an nontacaso mare. –Noya nosorocoi, no'tēquēn pahuērēcoi, itohuachina, nataína', no'tēquēn pahuērēchina'.

24.

Co nani tahuēri asacatacaso' ya'huērinhuē'. Chinotacasonta' ya'huērin. Pita tahuēri Co sacatopirinahuē', pahuērēcaso' ya'huērin.

25.

Noya sacatohuachina, noya pahuērēcaso' ya'huērin. Ya'ipi piyapi cosharo', pei,nimirio, coton inapita nohuantopi. Co nohuantērēhuahuē' piyapi 'sa' pahuantacaiso'. Caniohuachina, Co nanitērinhuē' sacatacaso'. Mashoro'sa', quēyorono'sa' inapita Co nanitopihuē' aquētē' canacaiso'. Napoaton inapita catahuacaso' ya'huērin.

Sanapi hua'huanpachina, hua'huinēchachi a'napitari catahuaina'. Hua'hua ma'patērinsonta' catahuaina'. Hua'huaro'sa' pahuantohuachina, Copirno pi'pian pi'pian catahuaina'.

26.

Copirnorí escuela' sa' ya'ipi parti acoina'. Ya'ipi hua'huaro'sa' escuela imacaiso' ya'huērin. Primaria imacaiso marē' ama pahuērēchinasohuē'. Secundaria, escuela ocupacional inapita acocaso' ya'huērin. Inapita yaya'conpachina examen noya pipihuachina, noya ya'coina.

Ya'ipi maistororo'sa' noya a'chinchina' hua'huaro'sa' noya noya yonquicaiso marē'. Ina quēran Co aquētē nino'huipihuē'. Noya noya ninosorohuachina, Co a'napita nocanapihuē'. Naporahuaton, ya'ipinpoa' noya nini'tēhua' ya'huēa'hua huachi. Ina na'con nohuantērēhua'.

Pa'pin, a'shin nohuanton, hui'ninpita escuelaquē ya'coina'. Ama a'na piyapiri nisha escuelaquē po moinsohuē'.

27.

Ninanoquē niyontonpi ma'sha nitotacaiso marē'. A'naquēn quirica ninshitērin, a'naquēn musica pi'nirarin, a'naquēn nonanpiso' pashitarin. Inapita nitotacaso marē' niyontonpachina, a'napita nohuantohuachina, pa'ina', noya nataína

Nipro ninshitohuatēhua', hua'anēntērēhua'. Inapochachi nonanpiso', nitērata inapita pochin nipatēhua', hua'anēntērēhua'. Co inapita marē' a'napitari canacaso ya'huērinhuē'.

28.

Ya'ipi parti noya nini'tēhua', ya'huēa'hua'. Ya'ipi Copirnoros' piyapinēnpita catahuaina' noya ya'huēcaiso mare

29.

Co insonta' inaora ya'huērinhuē'. Ya'ipi piyapinpoa' noya ya'huēcaiso' nohuantohuatēhua', noya ninosorocaso' ya'huērin. Nicatahuacaso' ya'huērin.

Copirnoros' pēnēninpoa' Co nino'huicaso marēhuē', Co niahuēcaso marēhuē'. Noya nicatahuacaso marē' pēnēninpoa'. Ina pochin nipatēhua', Co topinan quēran ana'intinpoaso' ya'huērinhuē'.

Na'con yonquirai ya'ipi piyapi'sa' noya ya'huēcaiso marē'. Nisha yonquicaiso', nisha a'chintacaiso' Co nohuantērai huē'. Ya'ipi noya nini'tēhua', noya noya ya'huēa'hua , tenehua'.

30.

Nani ya'ipi hua'ano'sacoi, Copirno acorincoisoyita pēnēnainquēma'. Ama nisha yonquicosohuē'. No'tēquēn natēcoi, ya'ipinpoa' noya nini'tēhua', noya ya'huēa'hua'.